

方以類聚

溲血

痛者爲血淋。不痛者爲溺血。經謂胞移熱於膀胱則
癰溺血。與淋血便血。雖前後之竅不同。然於受病則
一也。

○溺血用淡竹葉麥門冬白茅花車前子陳柳枝天
門冬去心地榆香附子鬱金燈心各半錢水二碗
煎八分去滓調四茶散空心服

○栢葉黃連焙研酒服三錢

人指甲半錢頭髮錢半燒研每一錢空心溫酒下
○琥珀爲末每服二錢燈心湯下

○五葉藤陰乾爲末每服二錢白湯下

○烏梅燒存性研末酢糊丸梧子大每服四十酒下

○金粟狼牙草焙乾入蚌粉炒槐花百藥煎等分爲
末每三錢米泔空心調服亦治酒病

○麥麴炒香以肥豬肉蘸食

○金陵草一名墨頭草車前草等分杵取自然汁每

空心服三盃愈乃止

○髮灰二錢酢湯服

○荊芥縮砂等分爲末糯米飲下三錢日三服

○葱白一握鬱金一兩水一升煎二合溫服

○離下竹根入土多年不拘多少洗淨煎湯併服數

盃

○玄胡索一兩朴硝七錢半爲末每四錢水煎服

○五倍子末鹽梅搗和丸梧子大每空心酒服五十

○棘刺三升水五升煮二升分三服

○荊葉汁酒服二合

○蒿苣菜搗傳臍上

○葵莖無灰酒服方寸匕日三

○香附子新地榆等分各煎湯先服香附湯三五呷
後服地榆湯至盡未效再服

○益母草搗汁服一升

○胡麻三升杵末以東流水二升浸一宿平旦絞汁

頓熱服

○槐花炒鬱金煨各一兩爲末每服二錢淡豉湯下
○新地骨皮洗淨搗自然汁無則以水煎汁每一盞
入酒少許食前溫服

○水芹搗汁日服六七合

○蒲黃末每服半錢生地黃汁調下量人加減或入
髮灰等分

○白芷當歸等分爲末米飲每服二錢

○茅根煎湯頻飲

○當歸四兩剉酒三升煮取一升頓服

○小便血條淡豆豉一撮煎湯空腹飲或入酒服

○溺血淋瀝葎草搗生汁三升酢二合和頓服

○鬱金末一兩葱白一握水一盞煎三合溫服日三

○虛損溺血白鹿角膠三兩炙水二升煮一升四合

分服

○人蔘焙黃耆鹽水炙等分爲末用紅皮大蘿蔔一

枚切作四斤以蜜二兩將蘿蔔逐斤蘸炙令乾再炙勿焦以蜜盡爲度每用一斤蘸藥食之仍以鹽湯送下以瘡爲度

○勞傷溺血茅根乾薑等分入蜜一匙水二鍾煎一鍾日一服

○無故遺血亂髮及爪甲燒灰酒服方寸匕

○胡燕窠中草燒灰酒服半錢匕

○龍骨末水服方寸七日三

○卒然溺血不止龍膽一虎口水五升煮取二升半
分爲五服

○婦人尿血衣中白魚二十枚納入陰中

○船茹一斤洗淨河水四升半煮二升半分二服

○小便頻數卒然下血不止並不疼痛此緣心中積

惡機謀艱險長懷疾妬多積忿氣傷損肝心正氣

又因色傷小腸氣虛血乘虛妄行故有此疾並宜

此方桑寄生一兩熟地黃茯苓各半兩人葭川芎

獨活蒲黃各二錢半甘松沉香各八分四釐共爲
細末每三錢七水一盞煎一二沸瀉出去滓非時
呷之服後其血已安覺丹田元氣虛腰膝沉重多
困少力者宜用桑寄生爲細末每一二錢非時點
服補之

○玉屑膏治溺血并五淋砂石疼痛不可忍受者黃
芪人葎等分爲末用蘿蔔大者切一指厚三指大
四五斤蜜淹少時蘸蜜炙乾復蘸復炙盡蜜二兩

爲度勿令焦至熟蘸黃芪人薇末食不以時仍以
鹽湯送下

○蒲黃丸治虛損膀胱有熱溺血不止蒲黃葵子赤
茯苓黃芪各一兩車前子當歸微炒荆實各七錢
半麥門冬去心生地黃各二兩共爲細末煉蜜和
搗二三百杵丸梧子大每服三十食前米飲送下
○鹿茸丸川牛膝去蘆酒浸鹿茸去毛酒蒸五味子
各二兩石斛去根棘刺杜仲去皮炒陽起石煨川

巴戟去心山藥炒兔絲子淘淨酒蒸附子炮去皮
尖川棟子取肉炒慈石煨官桂不見火澤瀉各一
兩沉香半兩另研共爲末酒糊丸梧子大每服七
十空心溫酒下

○鹿角膠丸治房室勞傷小便溺血鹿角膠半兩浸
藥另研油頭髮灰各三錢共爲末茅根汁打麴糊
丸梧子大每服五十鹽湯下

○鹿茸散治小便溺血日夜不止鹿茸酒洗去毛塗

酥炙令黃生地黃焙當歸焙各二兩蒲黃一合冬
葵子炒四兩半共爲細末每三錢七空心溫酒調
服日二一方治下元虛憊溺血煉蜜爲丸梧子大
每服二十食前炒鹽湯下

○如神散治心臟有熱熱乘於血血滲小腸故尿血
也阿膠蛤粉炒一兩山梔仁車前子黃芩甘草各
二錢半爲細末每服半錢或一錢井花水調服日

三

○牡蠣散治勞損傷中溺血牡蠣煨爲粉車前子白
龍骨煨令赤熟地黃黃芩桂心各一兩共爲細末
每服二錢米飲調下

○四苓散茯苓去皮猪苓去皮白朮澤瀉各等分爲
細末每服二錢空心用前煎藥調服

○當歸散治婦人小便出血或時溺血當歸羚羊角
赤芍藥各五錢生地黃一兩大薊葉七錢半分作
三貼水煎食前服

○小薊飲子治下焦結熱溺血成淋生地黃四兩小
薊根滑石通草蒲黃炒藕節淡竹葉當歸去蘆酒
浸山梔仁甘草炙各半兩共咬咀每四錢水一盞
煎八分空心溫服

○膠艾湯阿膠碎炒燥川芎甘草炙各一兩當歸艾
葉微炒各三兩白芍藥熟乾地黃各四兩每三錢
水一盞酒六分煎八分空心稍熱服

下血

腸風

藏毒

腸澼

結陰

中蠱

血之在身。有陰有陽。陽者順氣而行。循流脉中。調和五臟。灑陳六府。如是者。謂之榮血也。陰者居於絡脉。專守藏府。滋養神氣。濡潤筋骨。若其藏感內外之邪。傷則或循經之陽血。至其傷處。爲邪氣所阻。漏泄經外。或居絡之陰血。因著留之邪。僻裂而出。則皆滲入腸胃而泄矣。世俗每見下血。率以腸風名之。不知風乃六淫之一耳。或風從腸胃經脉而入客者。或肝經

風木之邪內乘於腸胃者則可謂之腸風若其他不
因風邪而腸胃受火熱二淫與寒燥濕悞鬱其氣及
飲食用力過度傷其陰絡而下者亦謂之腸風可乎
許學士謂血清而色鮮者腸風也血濁而色黯者藏
毒也肛門射如血線者脉痔也然腸風挾濕者亦下
如豆汁及紫黑瘀血不必盡鮮正當以久暫爲別耳
要訣謂藏毒者蘊積毒氣久而始見腸風者邪氣外
入隨感隨見先血而後便近血也由手陽明隨經下